

西寧縣志卷之四

禮儀志

縣令文俗吏耳目所濡染唯是錢穀簿書
為兢兢何暇知禮意雖然方今

聖天子嘉惠元元崇儒重道賢裔皆隆以爵秩
聖諭十六條遠追謨訓自節鉞重臣以至郡邑
司牧無不宣揚化導每歲齋祓日期中外
停刑此正末吏依光闕庭懋昭至治之會
也寧在東粵西部最號椎魯顧自闢艸昧



來百有餘年于茲蒙被教化漸漬皇風其于六逆六順之旨衣被而食飲之有素矣若乃邑中沿行舊儀則有如國禮以明尊邑禮以明讓祀先師先正以崇德尚賢祀社稷山川以報功報本厲以妥幽飲以尚齒彬彬乎質有其文哉由之而知習之而察此亦化民成俗之微權也後之人幸無以故事視之乎編禮儀志第四
一遇

聖節

元旦

冬至先期知縣率僚屬師生至長春寺習儀
退班次早五鼓詣本縣大堂行禮
祝贊辭語

廣東等處承宣布政使司羅定州西寧縣
知縣臣某等荷

國厚

恩叨享祿位皆賴

天生我
君保民致治茲當

元旦

聖旦

長至

聖壽益增臣某等下情無任欣躍感戴之至

一遇

詔旨頒到傳知知縣卽率僚屬及師生具龍亭
絲輿儀仗鼓樂出東郭外迎接

詔使既至下馬取

詔書貯龍亭中詔使立于龍亭之東本處官具
服行三跪九叩首禮衆官及引駕生乘馬
鼓樂前導詔使上馬龍亭後行至衙門照
牆文武官分東西序立候龍亭至鞠躬及
至公廳中詔使立於龍亭之東西向如有
出使官員贊者先贊曰出使官行禮引贊
引出使官於公廳前露臺上行禮畢退於
露臺之東西向立贊者曰衆官排班文左

武右如無武官文官依次左右排班班齊
樂作贊禮行禮詔使捧

詔書授展讀生員展讀生員跪受詣開讀案宣
讀出使於露臺之東北向跪衆官皆跪宣
讀訖展讀生員捧

詔授詔使捧詔復置龍亭中衆官俯伏興行三
叩首通贊唱問安引贊引印官詣龍亭前
跪唱衆官皆跪印官問

聖躬萬福詔使鞠躬答曰

聖躬萬福俯伏興復位三叩首衆官退易服而
見詔使兩拜禮東廳待茶

啓聖祠祀

啓聖孔公叔梁紇配以四氏

先賢顏路 曲阜侯

先賢曾點 萊蕪侯

先賢孔鯉 泗水侯

先賢孟孫

從祀四人

先儒周輔成

先儒程 珦

先儒朱 松

先儒蔡元定

大謹按

先師孔子父叔梁紇宋封齊國公元加封啓聖
王原無專祠先賢顏曾思孟配享廟堂三
子之父乃從祀兩廡孟子父原不與祀先
儒從祀其父亦未與祀嘉靖九年欽命監
學俱別立祠

通年

春二月

秋八月上丁四鼓教官代祭

祭品

帛 酒 黍 稷 粟 棗 鹽 菁

芹 笋 菱 鹿脯 藁魚 魚醢

兔醢 鹿醢 猪 羊

祝文維

康熙某年歲次某某月某朔幾日某某州
縣知縣某等敢昭告于

啓聖公孔氏之神曰維

公誕生

至聖萬世王者之師功德顯著允宜血食茲當
某日謹以牲帛醴齊粢盛庶品薦此嘗事

先賢孔氏

先賢顏氏

先賢曾氏

先賢孟孫氏配尚

饗

文廟祀

至聖先師孔子舊封大成至聖文宣王

四配

復聖顏子

舊封兗國復聖公

宗聖曾子

舊封郕國宗聖公

述聖子思子

舊封沂國述聖公

亞聖孟子

舊封鄒國亞聖公

十哲

先賢閔子

諱損舊封費公

先賢冉子

諱雍舊封薛公

先賢端木子

諱賜舊封黎公

先賢仲子

諱由舊封衛公

先賢卜子

諱商舊封魏公

先賢冉子

諱哖舊封鄆公

先賢宰子

諱子舊封齊公

先賢冉子

諱求舊封徐公

先賢言子

諱偃舊封吳公

先賢顓孫子

諱師舊封陳公

先儒朱子

諱熹舊封徽國公康熙五十一年躋配

東廡西廡共九十七人

舊志列九十五人康熙丙寅秋學臣臺臣各疏請增祀宋儒羅從彥李侗二人

先賢澹臺滅明舊封金鄉侯先賢宓不齊舊封單父侯

先賢原憲舊封任城侯先賢公冶長舊封高密侯

先賢南宮适舊封汝陽侯先賢公皙哀舊封北海侯

先賢商瞿舊封須昌侯先賢高柴舊封共城侯

先賢漆雕開舊封平輿侯先賢樊須舊封益都侯

先賢司馬耕舊封睢陽侯先賢公西赤舊封鉅野侯

先賢有若舊封平陰侯先賢梁鱣舊封千乘侯

先賢巫馬施舊封東阿侯先賢冉孺舊封臨沂侯

先賢顏辛舊封陽谷侯先賢伯虔舊封沐陽侯

先賢曹邴舊封上蔡侯先賢冉季舊封諸城侯

先賢公孫龍舊封枝江侯先賢漆雕徒父舊封宛侯

先賢秦商舊封馮翊侯先賢漆雕哆舊封濮陽侯

先賢顏高舊封雷澤侯先賢商澤舊封鄒平侯

先賢壤駟赤舊封上邽侯先賢任不齊舊封當陽侯

先賢石作蜀舊封成紀侯先賢公良孺舊封牟平侯

先賢公夏首舊封鉅平侯先賢公肩定舊封梁父侯

先賢后夏處 舊封膠東侯

先賢鄔單 舊封聊城侯

先賢奚容蒧 舊封齊陽侯

先賢罕父黑 舊封所鄉侯

先賢顏祖 舊封當陽侯

先賢榮不旂 舊封厭次侯

先賢句井疆 舊封溢陽侯

先賢左人郢 舊封南華侯

先賢秦祖 舊封禮城侯

先賢鄭國 舊封胸山侯

先賢縣成 舊封武城侯

先賢原元 舊封樂平侯

先賢公祖句茲 舊封即墨侯

先賢廉潔 舊封胙城侯

先賢燕伋 舊封沂源侯

先賢叔仲會 舊封博平侯

先賢樂欬 舊封建成侯

先賢公西輿如 舊封臨胸侯

先賢狄黑 舊封林慮侯

先賢邾莒 舊封高唐侯

先賢孔忠 舊封鄆城侯

先賢陳亢 舊封南頓侯

先賢公西蒧 舊封徐城侯

先賢琴牢 舊封陽平侯

先賢顏之僕 舊封宛句侯

先賢步叔乘 舊封博昌侯

先賢施之常 舊封臨濮侯

先賢秦非 舊封華亭侯

先賢申棖 舊封文登侯

先賢顏澮 舊封濟陰侯

先儒左丘明 舊封中都伯

先儒周敦頤 舊封道國公

先儒張載 舊封郿伯

先儒程顥 舊封豫國公

先儒程頤 舊封洛國公

先儒邵雍 舊封新安伯

先儒公羊高舊封臨淄伯先儒穀梁赤舊封陽侯

先儒伏勝舊封乘氏伯先儒孔安國舊封曲阜伯

先儒董仲舒舊封廣川伯先儒高堂生舊封萊蕪伯

先儒毛萇舊封樂壽伯先儒后蒼

先儒杜子春舊封緱氏伯先儒王通

先儒韓愈舊封昌黎伯先儒胡瑗

先儒歐陽修先儒司馬光舊封溫國公

先儒范仲淹先儒呂祖謙舊封開封伯

先儒胡安國舊封建寧伯先儒楊時舊封將樂侯

先儒羅從彥先儒李侗

先儒蔡沈舊封崇安伯先儒真德秀舊封浦城伯

先儒張栻舊封華陽伯先儒陸九淵

先儒許衡舊封魏國公先儒薛瑄

先儒王守仁舊封新建伯先儒陳獻章

先儒胡居仁

謹按唐武德二年詔國子學立廟四時致

祭孔子為太師開元二十七年追贈孔子

為文宣王二十八年敕每月朔望祭酒以

下行釋菜禮郡縣長以下詣學行香仍前
 代制稱大成至聖文宣王肖儀服袞冕祭
 用籩豆十二舞用八佾四配以下從祀者
 並以公侯稱明初正封號惟大成至聖文
 宣王封爵仍舊洪武十五年詔天下儒學
 通祀孔子永樂八年正聖賢繪塑衣冠令
 合古制至嘉靖九年用張璁議去肖像易
 以木主曰至聖先師孔子四配曰復聖顏
 子宗聖曾子述聖子思子亞聖孟子十哲

以下曰先賢某子先儒某子別祀孔子父
 啓聖公於啓聖祠配以四子從以四人並見前
 去十三人

申黨

即申棖以訛爲
二人改正存棖

公伯寮

壽張侯

秦冉

新息侯

戴聖

考城伯

賈逵

岐陽伯

馬融

扶風伯

何休

任城伯

王弼

偃師伯

王肅

司空

荀况

蘭陵伯

劉向

彭城伯

杜預

司徒

吳澄

臨川郡公

顏何

堂邑侯

以七人各祀於其鄉

林放

長山侯

遠瑗

內黃侯

鄭衆

中牟伯

盧植

良鄉伯

鄭去

高密侯

服虔

滎陽侯

范甯

新野伯

增祀五人

后蒼

王通

歐陽修

胡瑗

陸九淵

謹按明洪武二十九年以漢董仲舒從祀
正統元年刊定從祀名爵位次二年以宋
胡安國蔡沈真德秀從祀弘治九年以宋

楊時從祀嘉靖九年釐正祀典左丘明以

下稱先儒某子凡神位改稱之位增祀漢

后蒼隋王通宋歐陽修胡瑗陸九淵五人

隆慶五年以薛瑄從祀萬曆二十年以王

守仁陳獻章胡居仁從祀康熙五十一年

躋朱子於十哲五十五年增入范仲淹

按先賢聖姓氏海內實其聞見他志容有

不書者但先聖賢日月也日月一也而萬

國俱照臨焉若一處無日月則地方晦昧

人類或幾乎息矣今仍一一開載如右所以
以照明正學匡正人心詳而不爲繁云

釐正賢儒位次

照依學臣臺臣
兩原疏更定

查閱康熙十三年西寧前任知縣王鉞編
輯邑乘將先賢先儒姓氏載入禮儀志內
是已但其中位次俱照外省郡邑學宮現
在木主以排列次序紊亂與太學現祀位
次秩然者迥別謹閱康熙二十五年七月
內 邸抄江南學院李公振裕疏稱左丘

明旣非孔子弟子不在先賢之列而躡於
先賢秦非之上公羊高伏勝亦以先儒而
躡於先賢申棖顏澮之上孔安國漢人而
居周儒穀梁赤之前王通隋人歐陽修宋
人而列漢儒毛萇后蒼杜子春唐儒韓愈
之上程頤以弟先於其兄程顥薛瑄王守
仁明人先於宋元人陸九淵許衡卽宋仁
宗時之程頤亦不宜先於宋太宗時之胡
瑗止因從前有議改議黜諸人於是東廡

先賢尚有三十三位而西廡先賢則止於二十九位當時議祀之人不知合敘兩廡東西遞遷而止於東西兩廡用魚貫之法就便升躋以致西廡之儒躐出於東廡賢儒之上紊亂失次又宋儒羅從彥李侗受學楊時實爲朱子之師位次反列於朱熹之下且有列於明儒薛王陳胡之末者後先倒置尤爲非體此李學院所題學宮從祀應行釐正特詳考其世儒同論代代同

論年依次定位進呈圖式之疏也又監察御史許公三禮疏稱歷代賢儒位次原非一時如明儒王守仁陳獻章胡居仁從祀在萬曆十三年宋儒周輔臣從祀啓聖在萬曆二十三年此故明會典與曲阜誌所已刻載者因而兩廡賢儒牌位只書姓不書名查姓名同按數方知少者又宋儒羅從彥李侗在萬曆四十一年請祀在伊師楊儒下朱熹上此故明會典與曲阜誌所

西寧縣志 卷之四
未刻載者至宋儒周敦頤張載程顥程頤邵雍朱熹六子進稱先賢從祀牌位列在左丘明之下公羊高穀梁赤之上爲其羽翼六經有功聖學係崇禎末年特典從祀有年今學臣又論代論年依次定位雖所繕圖式舊時確議但不符現定會典中有進祀序次之不可易請將太學現祀位次鐫一圖式預頒各省各學照圖式補序至於儒同論代代同論年原難概論顏子年

少特居配位之首孟子生晚超列及門之上必將左丘明周敦頤等七員照舊位聖門先賢之下漢唐宋諸儒之上爲是若宋儒羅從彥明臣熊尚文題請原祀楊時位下今太學並會典位次東廡居左若照此釐定所宜頒示明白此許御史所題請躋周張二程邵朱六賢并添祀羅李二儒之疏也以上二疏部議雖未允頒行但秩序實覺可採適余奉憲增葺志藁呈詳

撫院送 藩司核正蒙抄錄臺臣原疏檄
發下縣令改正從祀先賢位次謹依學院
原疏將東廡第三十位先賢施之常之下
躋先賢秦非於西廡第三十位而以左丘
明列在聖門諸賢之後其秦非之下躋申
枏於東廡第三十一位躋顏澮於西廡第
三十一位則聖門諸賢位次相連不致反
在諸儒位次之後又漢隋唐宋元明諸儒
位次凡以後躋前以弟躋兄以弟子躋先

師者亦俱按照原疏論代論年次第序正
又依御史原疏將宋儒羽翼六經有功聖
賢道統之周張二程邵朱六子躋於左丘
明之下公穀之上又依學院御史兩疏將
宋儒朱子之師羅從彥李侗二儒列在楊
時之下庶兩疏所論位次俱參酌更正不
復倒置紊亂云

儀註

一齋戒

正祭前三日獻官并陪祭官執事人等沐浴更衣散齋一日各宿別室致齋一日同宿齋所散齋仍理事務惟不飲酒不食葱韭蒜薤不弔喪問病不聽樂不行刑不判署刑殺文字不預穢惡事致齋惟理祭事

一省牲下公燔之土又升學訓職史兩職

正祭前一日執事者設香案於牲房外引贊者引獻官常服贊者唱詣省牲所唱省牲執事者牽牲於香案前過引贊者唱省

一獻官

牲畢屠烹牲以毛血少許盛諸盤其餘毛血以淨器盛貯祭畢埋之其牲須要連皮煑熟共祭

一獻官

本縣知縣

一分獻官

以本縣儒學典史

一祭服

除流官及各執事與社稷同其餘陪祀儒士用衣帽

一 瘞坎

依舊庭設燎爐火炬

一 祭品

帛 酒 和羹 黍 稷 稻 粱 麥

榛 棗 鹽 蕕 菁 芹 笋 鹿脯

芡 栗 藁魚 醢醢 鹿醢 兔醢

一 猪羊

一 祭儀

知縣是日早至儀門請僉祝板稟起鼓請

觀陳設由西廡行上至正殿出殿傍門左

邊至東廡復到酒樽所視酒奠帛引至殿

傍立通贊唱執事者各司其事主祭官就

位陪祭官就位瘞毛血一生進自側門捧

毛血盤出自東門至東邊放在地上以碗

蓋之迎神行跪九叩首禮平身奠帛行初

獻禮引者唱詣盥洗所酌水進巾詣酒樽

所司樽者舉纂酌酒司爵者捧爵司帛者

捧帛詣

至聖先師孔子神位前引主祭從側門入執事
捧爵帛從中門入引者唱就位跪獻帛獻
爵叩首興詣讀祝位跪通贊唱衆官皆跪
讀祝文叩頭興詣復聖顏子神位前就位
奠帛獻爵叩頭興引至宗聖述聖亞聖亦
如引至復聖前至聖四配行初亞終三獻
禮陪祭官行分獻禮事十哲兩廡三獻分
獻俱畢飲福受胙行一跪三叩頭禮徹饌
送神行三跪九叩頭禮畢讀祝者捧祝司

帛者捧帛出自中門各詣瘞所仆燎禮畢

一祝文維

某年歲次某某月某某朔某丁布政司全

衙某州縣知縣某等敢昭告于

至聖先師孔子曰惟

師德配

天地道貫古今刪述六經垂憲萬世茲當仲春

謹以牲帛醴齊粢盛庶品式陳明薦以

復聖顏子

宗聖曾子

述聖子思子

天亞聖孟子配尚

饗

祀名宦

漢大中大夫陸公

諱

賈

明奉政大夫劉公

諱

堯誨

明奉政大夫張公

諱

明正

明文林郎朱公

諱

寬

皇清文林郎王公

諱

鉞

祀鄉賢

勅贈文林郎岑公

諱

永清

一祭東壇

風雲雷雨山川城隍俱於

春二月

月上旬戊日

祭品

帛 酒 和羹

藁魚

棗

栗

鹽

韭 菁 醢醢

鹿醢

黍

稷

稻

梁 猪 羊

祝文維

某年歲次日月某知縣某等敢昭告于

風雲雷雨之神

境內山川之神

本縣城隍之神曰惟

神妙用神機生育萬物奠我民居足我民食

某等欽承

上命職守茲土今當仲

春秋

謹具牲醴庶品用伸

常祭尚

饗

一祭西壇

社稷

同上東壇

祭品

俱同上

祝文維

某年歲次某月日知縣某等敢昭告于

本縣社之神

本縣稷之神曰品物資生烝民乃粒養育之功

司土是賴今當仲

春秋

謹具牲醴庶品用伸

西寧縣志 卷之四
常祭尚

饗

邑禮

開印封印禮除夕前數日知縣具香燭奉
印堂上集僚屬同驗行封印禮僚屬叅賀
畢回署關防元旦後數日擇吉開印僚屬
先開關防上堂叅賀康熙甲子以後封開
印信俱照部頒日期
祈禱禮凡祈晴祈雨各官齋宿具常服詣
城隍廟及喚集僧道拜禱

祭江禮本縣官僚或應朝陞任擇吉日具
牲醴香燭于羅笏水口具吉服行祭禮
名宦祠知縣主祭鄉賢祠教官代祭前後
各二拜興三獻酒立進爵帛
厲壇春三月清明秋七月十五日冬十月
初一日預先一日詣城隍廟發牒屆期詣
壇致祭
祝文維

某年月日某州縣知縣某等敢昭告于

本縣城隍主宰正直之神曰某等遵承
禮部劄付欽奉

皇帝聖旨普天之下后土之上無不有人無不
有鬼人鬼之道幽明雖殊其理則一今
國家治人事神各有定制唯無祀鬼神昔為
生民未知何故而歿其間有遭兵刃而橫
傷者有死于水火盜賊者有被人取財而
謀死者有遭刑禍而屈死者有天災流行
而疫死者有為猛獸毒蟲所害者有為飢

餓凍死者有因戰鬪而殞身者有因危急
而自縊者有牆屋傾頽而壓死者有死後
無子孫奉祀者此等鬼魂或終於前代或
歿於近世姓名泯沒于一時祀典無聞而
不載悲號于星月之下呻吟于風雨之中
凡遇人間節令心思陽世魂杳杳以無歸
身墮沉淪意懸懸而望祭興言及此憐其
慘悽故勅天下有司依時饗祭欽此某等
不敢有違今當孟春秋謹於城西設壇置備

牲儀羹飯專祭本縣闔境無祀鬼神然幽明異境人力難為必資神力庶得咸通靈其不昧來饗此祭尚

饗

齋戒 新頒停刑日期

一齋戒停刑日期康熙二十三年詔部覆都察院張 條奏每歲凡遇慶賀穿朝服日期祭享齋戒日期穿素服日期封印日期及每月初一初二日期俱應不理刑名四月初八日

不宰牲亦不理刑名

元旦節

前三日後三日共穿朝服七日

祭祈穀壇

正月上辛日前三日齋戒不理刑名不辦事

世祖章皇帝忌辰

正月初七日穿素服一日不理刑名

上元節

正月十四十五十六共穿朝服三日

祭先師孔子廟

二月上丁日齋戒

祭社壇

二月上戊日前三日齋戒不理刑名照常辦事

祭歷代帝王廟

二月初八日不理刑名照常辦事

太皇太后聖誕

二月初八日不理刑名照常辦事

章皇后忌辰

二月十一日不理刑名

祭朝日壇

二月春分日不理刑名照常辦事

孝昭皇后忌辰

二月二十六日不理刑名

皇上萬壽節

三月十八日不理刑名照常辦事

佛誕日

四月初八日不理刑名

文皇后忌辰

四月十七日不理刑名

仁孝皇后忌辰

五月初三日不理刑名

祭方澤壇

五月夏至日不理刑名照常辦事

祭先師孔子廟

八月上丁日不理刑名照常辦事

祭壇

八月上戊日前三日不理刑名照常辦事

祭歷代帝王廟

八月內無定日不理刑名照常辦事

太宗文皇帝忌辰

八月初九日不理刑名

太祖高皇帝忌辰

八月十一日不理刑名

祭夕月壇

八月秋分日不理刑名照常辦事

高皇后忌辰

九月二十七日不理刑名

皇太后聖誕

十月初三日不理刑名照常辦事

祭園丘壇

十一月冬至前三日不理刑名

祭享太廟

歲暮前三日不理刑名

西寧縣志

卷之四

禮儀

七

封印日期 自十二月某日封印起至正月某日開印止俱不理刑名不辦事

四孟 立春立夏立秋立冬四日是日不理刑名

每月初一初二日此二日俱不理刑名

鄉禮

鄉約每月朔望鄉老率眾集鄉約所習禮儀講十六箴典制律令設簿紀善惡以彰勸戒但鄉約久已廢弛康熙二十二年知縣張溶條議詳允設復約正約副等各給袍帽每月朔望兼同生員率眾赴城隍

廟齊集宣講

上諭一十六條其各鄉村亦照城內一體舉設

鄉約遍發 上諭直解依期宣講

論曰禮與法相輔而行禮禁于未然而法行于已然故禮明而法可不用老子曰禮者忠信之薄而亂之首噫夫唯出乎禮斯以入乎刑此黃老之學所以流為申韓也余承乏西邑踵兵燹凋敝之餘力圖振興文教其淺衷若志吏民所共見至于事關

西寧縣志卷之四
倫物往往推誠置腹垂涕相告未常敢輕
任刑章也他若現行拜牌謁廟諸款儀也
非禮然推而原之而禮意存焉儼天威則
禮嚴咫尺也凜對越則義儼逮昏也停理
刑名體好生以恤民隱也而且正容以晤
下而且講訓以明民設誠而致行之其于
治行未必無補可曰移風易俗非俗吏所
能為哉

西寧縣志卷之五

官師志

士之有志康濟者期不為宰相則必為縣
令為其與民相近教易從道易行也漢重
循良頗假吏權強項之宰敢抗天子東漢
以下此風浸微世祖命人之任尚曰善事
上官無失名譽東都吏治所由不及西京
乎今之吏權益式微矣令史學博無責焉
雖然居是官必思盡是職豈其調劑不生

其間而漫曰無術然則獲乎上而信乎下
是亦有志者之所靳也猶以為賢于乘田
委吏云爾編官師志第五

明

知縣

朱寬桂林人舉人萬曆五年任祀名宦有傳

郭良楫臨桂人舉人萬曆七年任丁憂歸

吳道遠賓州人舉人萬曆九年任陞

林致禮上思州人舉人萬曆十四年任陞獨山

州守有傳

卿一鳴灌陽人選貢萬曆二十年任陞鎮江府

判

方大復臨桂人舉人萬曆二十六年任事故

湛泉南安人選貢萬曆三十一年任

蘇至卿石埭人選貢萬曆三十五年任陞麗江

府判有傳

陳應朝崑山人舉人萬曆四十年任

鄧全規全州人舉人萬曆四十二年任

西寧縣志 卷之五
蔣守藩全州人舉人萬曆四十五年任丁憂歸
卜二南秀水人舉人萬曆四十七年任降簡較
吳國藩灌陽人舉人天啓二年任

王之寵東流人選貢天啓五年任陞襄府審理
祁玄兆桐鄉人歲貢崇禎三年任

謝天申蘄水人舉人崇禎七年任有傳

朱謀堡新建人宗人援授崇禎十三年任陞兵
部主事

彭法古婺州人舉人崇禎十七年任

縣丞

范彬會稽人監生萬曆六年任丁憂回

毛文體富川人歲貢萬曆八年任奉裁赴部

主簿

甯榮建寧人知印萬曆六年任不謹去

高文秀繁昌人吏員萬曆八年任告憂

何敦福清人吏員萬曆十二年任陞淮府工正

支大烈嘉善人監生萬曆十七年任

胡聯芳人吏員萬曆三十年任

鄭尊周龍溪人吏員萬曆三十三年任

桂應試太平人吏員萬曆三十六年任

劉應學青陽人吏員萬曆三十九年任

邵希昌龍游人吏員萬曆四十四年任

周自成歸安人知印萬曆四十八年任

程應瑞建安人吏員天啓三年任

朱之藻靖江人監生天啓六年任

蘇此河綏寧人吏員崇禎元年任

鄒國樸南昌人吏員崇禎四年任不謹去

鄧繼序南豐人吏員崇禎六年任

典史

江文明歙縣人承差萬曆六年任

楊默同安人吏員萬曆七年任

楊春龍溪人吏員萬曆九年任陞銅鼓倉官

秦俊民臨桂人承差萬曆十二年任告病回

黃永敬全州人吏員萬曆十四年任

諸厥餘姚人承差萬曆十七年任

莊建極人吏員萬曆三十年任

陳炳建寧人吏員萬曆三十四年任

郭文忠寧州人吏員萬曆三十六年任

曾仕寧都人吏員萬曆三十八年任

陳一清華亭人吏員萬曆四十一年任

戴天時鎮江衛人吏員萬曆四十三年任

游尚趾通州人吏員萬曆四十七年任

韋學文太湖人吏員天啓二年任

周斌莆田人吏員天啓六年任

陳有成會稽人吏員崇禎元年任

王榮新建人吏員崇禎四年任

邵惟銘奉化人吏員崇禎七年任

都城巡檢

丁陞福建人

羅繼善福建人

葉鎮建陽人萬曆八年任

吳宗時龍溪人萬曆八年任

李廷訥全州人萬曆十四年任

潘思餘姚人萬曆十八年任

陳必成 人萬曆三十年任

王奇桂 晉江人萬曆三十三年任

趙大壯 南昌人萬曆三十五年任

俞守道 上虞人萬曆三十七年任

黃廷臣 高安人萬曆四十年任

張拱宸 吳縣人萬曆四十七年任

陳三思 新城人天啓二年任

吳大賓 建平人天啓七年任

賴世纓 豐城人崇禎二年任

湯必大 宣城人崇禎五年任

懷鄉巡檢

顏可揚 澄海人吏員萬曆十九年任

楊成宗 福建人

許澤 江南人

關寧 永寧州人

金本 瀛貴池人

俞應桂 閩縣人

羅昱 宣城人

丁崇禮湘陰人

何一綸懷集人

蔡日昇建德人

王高陽朔人

蔣一啓全州人

葉承訓永嘉人

陳言廬陵人

黃滿祖宜山人

陽啓彬金壇人

鄭應明蘭溪人

林方綬莆田人

儒學教諭

雷伸宣化人歲貢萬曆七年任丁憂歸

李一夔容縣人歲貢萬曆十二年任

王大謨電白人選貢萬曆十七年任

蔣一述全州人舉人萬曆二十年任

蕭匡謨順昌人選貢萬曆二十三年任陞高州

教授

熊尚謨廣西人舉人萬曆二十四年任

高趨峽江人舉人萬曆二十九年任有傳

郭萬培桂東人歲貢萬曆三十二年任

吳元弼瓊山人舉人萬曆三十五年任

周朝相澄海人歲貢萬曆四十年任

劉伯熙桂林人舉人萬曆四十二年任

蕭廷玉海陽人舉人萬曆四十四年任

王寅英德人天啓二年任

林瑞鵬崖州人歲貢天啓四年任

唐士標全州人舉人天啓七年任

梁培泰南海人舉人崇禎五年任有傳

揭弘濟歸化人歲貢崇禎七年任

周崇信新會人舉人崇禎十一年任陞欽州知

州

郭一驥翁源人歲貢崇禎十四年任

倪在翰福建人歲貢弘光元年任

訓導

雲名山萬曆二十一年任

王文綬萬曆二十三年任

吳煥章萬曆二十七年任

黃應選萬曆二十八年任

沈尚儒雒容人歲貢萬曆四十年任

陽開運桂林人歲貢崇禎元年任

曾日煌博羅人歲貢崇禎六年任陞欽州學正

孫景星石埭人歲貢崇禎八年任

鍾煥斗瓊州人歲貢崇禎十五年任

年歲久遠且經鼎革版籍散失名氏無存多

有遺漏

皇清

知縣

桂可培懷寧人恩貢順治七年任

王承時麻城人拔貢順治十一年任

曹鍾浩金壇人乙未進士順治十三年任行取

刑部主事

李翼鵬燕南人舉人順治十六年任陞承德縣

趙震陽紹興上虞人拔貢康熙四年任丁憂補

任漳平縣士人舉人
王鉞山東青州府諸城縣人己亥進士康熙八年任

卞三魁遼東人己酉舉人康熙十四年任
班一戎遼東廣寧衛人廕生康熙十六年六月內任

張溶河南開封府祥符縣人丁未進士前任江南揚州府泰興縣知縣補授康熙二十二年閏六月任

冉德四川廣元人丙午科舉人初任順天三河縣補任江南溧陽縣再補授康熙三十一年正月任有傳

李以寧四川營山人甲子科舉人由揀選康熙四十年八月任

史筆貴州貴定人庚午科副榜由翰林院孔目轉京衛武學教授陞授康熙四十六年三月任有傳

王錕正紅旗蔭生康熙四十八年十月任

李玉鉉江南通州人丙戌二甲進士康熙五十二年二月任康熙五十七年四月奉

旨行取

李以寧四隄營山人甲子科舉人由縣選康熙
五氏科舉人
康熙二十一年
天三所

典史

陳裕浙江人

羅杰紹興山陰人吏員順治十六年任

趙三才紹興山陰人吏員康熙二年任

陸天祐嘉興平湖人吏員康熙六年任

李鑑江南淮安府海州人康熙十六年八月任

季天祥直隸通州人吏員前任河南汝州寶豐

縣典史補授康熙二十二年六月任

張聖銘順天府大興籍紹興人吏員康熙三十

年二月任 大興縣人 吏員 康熙三十九年

桂之攀 順天府寶坻縣吏員 康熙三十九年三

月十三日任 州人 吏員 順治河南 州人 寶豐

蔡賓 順天府大興縣人 吏員 康熙四十七年十

月初一日任 州人 吏員 康熙六十年

蘇三木 蘇州人 吏員 康熙二十年

蘇杰 蘇州人 吏員 順治十六年

刺谷 州人

典史

都城巡檢

林一魁

鄒起元 紹興山陰人 吏員 順治十六年在

閔宗孔 大名濬縣人 吏員 康熙四年任

盧日新 江西贛州府贛縣人 康熙十四年十一

月內奉委署任 十六年五月具

題實授 康熙十七年八月任

盧敏元 江南松江府上海縣人 吏員 康熙二十

二年七月內任

蕭若杞山東滋陽縣人由監生康熙二十八年

任

翁一棟直隸永平府盧龍籍寧波慈谿人吏員

康熙三十年六月任

傅良臣山東濟南府利津縣人由吏員于康熙

四十年四月二十五日任

彭弘奇江西南昌府南昌縣人由吏員于康熙

四十四年二月初十日任

季宗布直隸順天府平谷縣人由內閣一統志

館供事于康熙四十六年三月十一日任

張廷策順天府宛平縣人由內閣 政治典訓

館供事于康熙五十三年五月二十九日任

懷鄉司巡檢于順治十四年奉裁

劉傑 順德縣人 順治十四年奉

諭均準于康熙二十三年正月二十六日

奉 諭均準于康熙二十三年正月二十六日

奉 諭均準于康熙二十三年正月二十六日

儒學教諭

譚圓策 新會人 壬午舉人 順治十六年任 康熙

四年奉裁 教諭又留任 訓導二十年補復教

諭

黃承瓚 順德人 捐納 歲貢 加納 教諭 康熙二十

一年四月任 二十五年告病休致 回藉

尹昌籙 廣州東莞人 歲貢 康熙二十六年四月

任

蔡侯 度 廣州府順德縣人 歲貢 加納 教諭 康熙

西寧縣志卷之五

三十六年九月任
人歲貢
卅

共昌
東
人歲貢
卅

黃承
人歲貢
卅

四
人歲貢
卅

人訓導
卅

金瓌
浙江山陰人
辛卯舉人
由順德縣教諭降
補順治十五年任有傳

鍾光斗
南海人
歲貢
康熙四年任

陳起元
開平人
歲貢
康熙九年任

吳士奇
瓊山人
歲貢
康熙二十一年三月任

劉錫齡
韶州府仁化縣人
歲貢
康熙二十二年
七月任
傅雲
潮州府鎮平縣人
歲貢
康熙三十年二月

任
平人歲貢康熙二十二年

何隆廣州府香山縣人歲貢康熙三十三年十

一月任
平人歲貢康熙二十二年

陳子琰肇慶府德慶州人歲貢康熙三十六年

三月任
平人歲貢康熙二十二年

朱衣惠州府博羅縣人歲貢康熙三十七年四

月任陞朝陽縣教諭

李侯淑肇慶府德慶州開建縣歲貢原藉新會

人康熙五十六年三月二十一日任

署知縣

陳曜順治四年任

劉世行

李時茂

龔銑順治九年任

吳人龍順治十二年任

樓星聚順治十五年任

張文彥福建人拔貢羅定州州同康熙七年任

朱介浙江嘉興府嘉興縣人戊戌進士初授陝

米西慶陽府安化縣知縣降南雄府經歷康熙
二十一年十一月任

陳廷晨山西澤州人歲貢欽州州判康熙三十
年八月任

張宗日惠州府海防糧捕廳康熙三十九年十
二月初二日任

胡顯祖德慶州知州鑲白旗監生奉天廣寧人
康熙四十五年八月二十八日任

王澤博肇慶府海防清軍同知直隸順天府寶

抵縣人由歲貢捐納內閣中書于康熙四十
七年十二月十八日任有傳

楊積封川縣知縣正黃旗人由監生捐納歲貢
于康熙五十一年七月十九日任

張沆江南太倉州人戊午科副榜初授舒城縣
教諭陞廣東東安縣知縣康熙五十七年四
月任

民孫... 縣令... 正十平四

兼武... 正十平四

千... 正十平四

水... 正十平四

縣... 正十平四

水... 正十平四

縣... 正十平四

署典史

鄭國興順治四年任

馬一傑

陳一曜

李龍

耿世臣江南和州人吏員係東安縣羅苛司巡

檢康熙二十二年三月署任

鍾秉熙二十二年三民署

原封引玉南味州人吏員給東安總署首行

李鼎

刺一羅

馮一

濱國興

署典史

署教諭

王準順治四年任

屠燦順治八年任

蔡瑋順治九年任

駱錫侯順治十二年任

張登泰順治十三年任

李良裕順治十四年任

林上苑順治十五年任

梁翹龍恩平人歲貢康熙二十年十一月署任

西寧縣志 卷之五 官師
葉騰龍 恩平人 歲貢 順治二十年十一月舉

林士英 順治十五年

李良恭 順治十四年

趙登泰 順治十二年

梁煥烈 順治十二年

李軒 順治十年

趙崇 順治八年

王學 順治八年

吳 順治八年

署訓導

林灝 順治八年任

林兆齡 順治九年任

黎琛

黃之圖 順治十年任

高建懋 順治十二年任

高峯懋則命十二半丑

黃之圖則命十半丑

蔡程

林兆繼則命九半丑

林麟鳳則命八半丑

晉隋

論曰設官分職大小臣僚甚衆顧與民最近惟令長甚切漢世吏治近古如龔黃召杜卓魯諸賢至今稱循良者宗以為主晉制不經宰縣不得入為臺省良以撫循司牧貴在得人寧邑建立至今百有餘年綰銅章紆墨綬者二十有六員而廣文丞尉亭長亦不一其人其間正佐之去來吏治之寬猛輿情之譽毀固各有不齊然嶺嶠山陬蠻煙瘴雨之鄉若非此數公臨蒞則

西寧縣志卷之六
終淪於椎髻文身之俗安得漸仁靡義聲
教敷施是令長之大有造於瀧西士民也
豈淺鮮哉

西寧縣志卷之六

選舉志

漢詔求賢課及十室邑故無小也西寧雖
僻延袤方二百里豈謂無人哉余考前志
續以近籍其間甲乙榜及明經武科可書
者若而輩蓋亦寥寥矣夫烝髦無術而化
不下究此真長吏之羞也願與多士共勉
之若夫土風不競借才異地其所由來者
漸矣延賓大嚼而怪戶外之屨滿也豈非

西寧縣志 卷之六 選舉 過歟編選舉志第六

明

進士

岑之豹天啓乙丑科進士授江陰縣知縣有傳

舉人

周興萬曆戊子科開科舉人原籍南海

歐達勳萬曆甲午科舉人授膠州知州原籍順

德

倫應祥萬曆癸卯科舉人授江西萬載縣知縣

陞湖廣蘄州知州有傳原籍南海

胡其偉萬曆乙卯科舉人仕至九江府知府有

傳原籍順德

梁萬里崇禎庚午科舉人授泗州盱眙縣知縣

原籍南海

梁日暉崇禎己卯科舉人原籍新會

恩歲貢

杜英德慶州割籍西寧萬曆十三年歲貢

許蟾德慶人割籍西寧萬曆十五年歲貢

黃懋卿增城人改學西寧萬曆十七年歲貢

陳欽東莞人立籍西寧萬曆十九年歲貢授山

陰縣知縣

倫在孝萬曆二十一年歲貢原籍南海

歐達政萬曆二十三年歲貢授梧州府判原籍

順德

胡盛傳萬曆二十四年歲貢

鄒偉萬曆二十六年歲貢

方從相萬曆二十八年歲貢

朱潤萬曆三十年歲貢

何芳辰萬曆三十二年歲貢

袁日華萬曆三十四年歲貢

關要萬曆三十六年歲貢

王原炳萬曆三十八年歲貢

袁日新萬曆四十年歲貢

陳鏘萬曆四十二年歲貢

劉守敬萬曆四十四年歲貢

陳謙萬曆四十六年歲貢原籍順德

區憲董泰昌元年歲貢西寧人

麥鳴鳳泰昌元年恩貢

倫須諦南海人天啓元年恩貢

朱光緒天啓二年歲貢

岑翔鳳天啓四年歲貢授翁源訓導原籍南海

梁尚玄天啓六年歲貢

梁日輝崇禎元年恩貢

陳良佐崇禎元年歲貢

劉三樂崇禎二年歲貢

梁尚興崇禎五年歲貢

黃國英崇禎七年歲貢

溫瑞魁崇禎九年歲貢

莫龍錫崇禎十一年歲貢

黃臣聘崇禎十三年歲貢

梁偉棟崇禎十五年歲貢有傳

武舉人

梁時聘

李一芳封川庠生大征報効開河有功冠帶

蔡文煥順德人軍門贊畫築城有功
張文燦封門所千戶

麥得霖順德人立籍西寧生員麥上登之父
梅應行築城功完隱居教子建祖祠置義田著
家則二子在庠

梁棟材首選將才擒斬多功風溼病作陞保不
及深為識者惜之

皇清

舉人

張國紳順治辛卯科

盧弘孝順治辛卯科

鍾昌先順治丁酉科

區孟賢康熙丙午科原籍新會授山東泗水縣
知縣

沈鳳康熙壬子科授山東沂水縣知縣行取
考補廣西道監察御史

陳玉康熙壬子科授山西縣知縣

尹元吉康熙庚午科揀選知縣

會又周康熙丁酉科序選知縣
吳一璜康熙丁酉科序選知縣

副榜

衛金章康熙戊午科初授惠州府訓導陞連州
學正再陞廣州府教授

黃觀聖康熙己卯科

恩貢

陳凱順治八年

張雲鶴順治十二年

黎和康熙元年

張琮康熙十四年

劉士元康熙四十六年

歲貢

歐興錠順治九年

關龍彩順治十一年

梁棟材順治十三年

唐文晃順治十五年

崔廷儀順治十七年授新寧縣學訓導

趙一兌康熙元年
區國龍康熙三年
莫光斗康熙九年
林桂客康熙十一年
莫維斗康熙十三年
郭龍起康熙十五年
黎之珩康熙十七年
何其遇康熙十九年
何子昇康熙十九年

韓廷椿康熙二十一年
盧挺生康熙二十三年
梁文明康熙二十五年
陳光觀康熙二十七年
唐爲揪康熙二十九年
黃章康熙三十一年
龐之彥康熙三十三年
楊遠康熙三十五年
曹璉康熙三十七年

簡天誕康熙三十九年

李宓春康熙四十一年

黃道弘康熙四十三年

關爾綱康熙四十五年

盧上選康熙四十七年

何世美康熙四十九年

蘇清康熙五十一年

林捷康熙五十三年

左廷相康熙五十五年

尹存道康熙五十七年

拔貢

尹元吉康熙三十四年

黃鼎章康熙三十五年

納貢

林中梓康熙十九年由廩生

陳士濟康熙十九年由廩生

歐陽登康熙二十二年由廩生

郭德輝康熙二十四年由增生

李作仁康熙三十年由廩生

鍾文長康熙三十年由附生

梁士棟康熙三十年由增生

康振世康熙三十一年由增生

李國敏康熙三十一年由附生

伍繼康康熙三十一年由廩生

歐陽炳康熙三十一年由增生

沈國棟康熙三十六年由附生

陳元捷由廩生

李 懃由附生

余廷選康熙四十七年由廩生

袁立珣康熙五十年由附生

陳嘉猷康熙五十四年由廩生

高祖文

劉金齡 以上二名俱康熙五十四年由附生

李天桐

馮士謙

史 震 以上三名俱康熙五十四年由俊秀

西寧縣志 卷之六 選舉

西寧縣志 卷之六
武舉人

會俊唯康熙己卯科

蘇萬邑康熙己酉科

蕭鳳康熙戊午科解元

崔元勳康熙甲子科

蘇萬總康熙甲子科

陳孟伯康熙丙子科

沈麟康熙戊子科

論曰漢求賢良方正後令各舉孝廉一時

對策徵辟者類多醇儒碩彥唐始以科目
取士乃才如李杜劉蕡反不得一第甚矣
功名遭遇之難也瀧西關縣之初士子寥
寥天啓乙丑捷南宮者一人不啻崑岡片
玉桂林一枝外此登賢書應武科暨恩拔
歲薦鄉貢士先後獲雋載諸邑乘可考蓋
南粵開於秦時其登相位由唐之張文獻
始自此而宋元有明以及於今經文緯武
歷歷猶在寧雖彈丸居然敦詩說禮家絃

戶誦之區也自此人賢振起雲蒸霞蔚安
見不與唐宋元明諸巨公接武追踪同垂
不朽以發川巖礚礚鬱積之奇孰謂地靈
無人傑耶願此邦多士互爲勗勉焉可也

陳太保傳

陳璘字朝爵號龍厓韶州翁源人生而岸異膂
力過人嘉靖間海賊張璉等僭號猖獗公應募
起隨師討平其餘黨林朝曦復熾公獨統一軍
擒磔於市以功陞指揮僉事時嶺南盜賊蜂起
南韶則有李富卓文昌英德則有陳倫李自政
河源則有胡琛等僞稱紅頭將軍其最烈者廣
海賊首張韶南暨黃士良等衆至數萬橫行無
忌公前後征討次第削平歷陞肇慶遊擊轉高

州叅將至萬曆初羅旁猺賊黃德祥等雄踞東西二山轉相寇掠總督凌公雲翼疏請會勦分部署十道八路並進公獨當要衝躬冒矢石關山破崗所到披靡俘斬之功倍於他將猺旣平奏陞瀧水縣爲羅定州分建東安西寧二縣時凌公以草莽初開三羅鎖鑰非公不可因奏陞東山副總兵官而分設西山叅將一員受其節公始創經營佈防握險賞功罰過極其精密有悍弁黃玉等憚公嚴峻相率叛去糾合廣西諸

猺爲亂公不動聲色設謀誘戰一鼓而并殲之嗣是疆理貼然而經畫亦畧定矣萬曆十二年改狼山副總兵官二十年薊遼山東等路倭酋大舉入寇調公神機營都督僉事與劉綎分道並克禦倭使進勦公一戰敗倭於鹿島再戰敗倭於昆陽三戰敗倭於丫山斬首數萬級生俘倭帥平政成平秀政以猷時內閣叙平倭功以公爲第一疏有天日爲昏海波盡赤之句二十七年以原官掛印總廣西兵復移鎮湖廣偏橋

西寧縣志卷之六
二
等處加陞都督同知值播逆楊應龍犯重慶陷
綦江奉命移師進討平之又討平楚苗吳國佐
等三十三年叙播楚功陞左都督進光祿大夫
贈蔭賚賞有加三十四年疏乞調鎮粵三十五
年卒於官覆核平苗功贈太子太保御賜葬祭
崇禎八年舉祀名宦

西寧縣志卷之七

兵防志

西寧于東粵形勢僅百分之一耳然而地
界兩粵之間民頑俗獷往在勝國時無所
覺知之民曾弄兵潢池假息湯釜至經大
創而後定入

本朝來亦三阻聲教先叛後服蓋其地則山險
崗深其俗則狼狽雜處故常須德懷而威
懾之然後寧息且使一隅不靖則兩粵爲

之牽動所謂一指疥瘍之微而徧身爲之不寧者豈可忽此彈丸黑子之地而不措之意哉舊經艸昧後兵制綦詳今創定甫十餘年烽靖塵息兵制蓋視昔稍更矣而預備不可不一爲留意作兵防志第七
兵署

叅將府原設二處一在羅鏡岡一在函口所萬曆十七年遷於城內縣治左今爲城守署康熙五年城守繳應善捐築太平樓五間

封門守禦所在西寧縣西南五十里萬曆五年建十六年遷於縣城內今衙宇頽廢基址尚存

函口守禦所在封門所南一百二十里萬曆五年建萬曆十六年遷於南溝驛同城
夜護城萬曆十七年造

教場在城南康熙四年城守繳應善修演武亭

明

歷官 兵制

黃允中處州衛指揮萬曆五年任遊擊

朱文達金華府千戶萬曆七年任遊擊

葉歡處州衛總旗萬曆九年任遊擊

李棟興武衛指揮萬曆十二年任遊擊

楊一經紹興衛千戶萬曆十三年任遊擊

楊文海門衛指揮萬曆十四年任遊擊

侯國弼全州人萬曆十七年任叅將

沈尚文太倉州人由武進士出身萬曆二十年任叅將

孟宗文廣西象州人由千戶萬曆二十年任陞

漳潮副總

郭酉科浙江杭州衛千戶萬曆二十七年任

李自芳直隸青村所千戶武進士萬曆三十二

年任

賈祥浙江臨山衛指揮萬曆三十四年任陞南

太叅將

趙文憲直隸涇縣人武進士萬曆三十七年任

續蒙勳浙江處州衛指揮萬曆四十五年任

趙文直隸徐州衛指揮萬曆四十七年任陞騰
衝副總

成啓元南直龍江左衛指揮由武進士天啓三
年任陞南路副總

李成胤山東太山高衛指揮由廩膳生員中三
科武舉天啓七年任

徐之龍四川松潘衛指揮使崇禎二年任五年
三月征剿九連山寇陞副總續征剿海寇陞
都督僉事十二年奉調回部改選

趙千駟江南上元人世襲百戶萬曆癸丑武進
士崇禎十二年任陞都督同知
封門所指揮

張宸原瀧水所副千戶羅旁功陞僉事萬曆八
年改註本所

張韜十四年襲宸職
正副千百戶

張漢原廣州右衛所正千戶萬曆五年奉調本
所

張檀萬曆九年襲漢職

張文燦萬曆十三年襲檀職功陞指揮奉臨本

韓賜襲父廣州右衛所正千戶職萬曆十三年

改調本所功陞指揮男世勳崇禎三年襲職

朱鑾原南海衛中所百戶羅旁功陞副千戶萬

曆八年改調本所萬曆四十八年朱騰輝襲

鑾職

朱林原潮州衛左所百戶羅旁功陞萬曆八年

改調本所

劉元威龍門人由武功陞百戶萬曆八年改調

到所歷功陞正千戶又陞指揮僉事姪繼遠

襲威職

吳通廣州左衛副千戶萬曆五年改註本所後

降百戶吳紹勳襲父通職吳廷爵襲父勳職

白蓮作逆戰死之

高祚廣州左衛右所百戶萬曆五年奉調本所

陳一鳳廣州左衛右所百戶萬曆五年奉調本

所陳夢蘭襲父鳳職

胡兆龍陽春守鎮衛後千戶所總旗羅有功陞
百戶萬曆八年改註到所胡經邦襲父龍職

胡國楨襲父邦職

張其志翁源人功陞潮州所百戶萬曆九年改

註到所

胡國楨浙江處州府麗水縣人襲父職萬曆四

十八年任

鎮撫

李棫廣州左衛右所萬曆五年奉調本所功陞

千戶男李衛次男李衛襲職

總旗

江文志廣州左衛右所萬曆五年奉調到所

李釗番禺人由軍生功陞廣州左衛右所萬曆

五年奉調到所

張茂萬曆十四年襲父其志職尋以推避革襲

吏目

吳文南靖人吏員萬曆七年任陞平樂府照磨

丁斯和嘉善人吏員萬曆十四年任

西寧縣志 卷之七 六
楊舜廣興安人承差萬曆十七年任陞都勻倉

官

魏孟漢福清人吏員萬曆十九年任

翟國材直隸涇縣人由知印萬曆二十年任

舍人

吳江

旗軍

屯軍一百一十五名

改編新伍旗軍六十一名

改調舊伍旗軍九十三名

函口所指揮

丁希舜信宜所千戶羅劬功陞神電衛指揮同

知萬曆七年改註本所

劉應朝廣州右衛後所正千戶萬曆五年調本

所十四年陞指揮僉事

正副千百戶

王朝相神電衛左所副千戶萬曆八年改註本

所

陳邦武南雄所署副千戶功陞萬曆八年改註
到所

李京爵廣州衛守鎮靈山後所百戶羅有功陞
副千戶萬曆八年改註本所

張祐廣州右衛後所百戶萬曆五年奉調到所
黃應槐廣州右衛後所百戶萬曆五年奉調到
所

林鳳鳴廣州右衛後所百戶萬曆五年奉調到
所

蕭鳳岡廣州右衛百戶萬曆五年奉調到所
賴邦禎德慶所總旗功陞百戶萬曆九年奉調
到所

總旗

狄希唐

吏目

鄭嵩金谿人吏目萬曆九年任陞長壽主簿
馬思智侯官人承差萬曆十五年任陞新化吏

目

西寧縣志 卷之七
白紹倫山陰人吏目萬曆十八年任

旗軍

屯軍一百三十名
改編新伍旗軍四十九名
改調舊伍旗軍五十一名

民壯舖兵弓兵

守城民壯二百名奉議內撥十名送州差用
舖兵六名

都城巡檢司弓兵二十四名

懷鄉巡檢司弓兵十名

防守官兵

把總四員

旗牌官三員

哨官三十員

旗總六十員

隊長并高招手一百八十四名

散兵并雜役二千零二十二名

皇清

歷官 兵制

順治八年 王師定粵改爲遊擊康熙元年
總督部院盧 題改城守守備革封門函口
二所定經制官兵一千員名順治十二年內
奉文抽調官兵五百員名尚存遊擊一員中
軍守備一員千總一員把總二員兵丁四百
九十五名又陸續奉文抽往廣海潮州水布
及順德增城博羅廣州外共官兵五十六名
尚額存官兵四百三十九員名康熙二年奉

裁遊擊一員改爲城守守備康熙十年奉文
抽兵一十五名入虎門又奉文抽調把總一
員兵丁一百二十三名入廣州營又奉文裁
去千總一員裁減額兵二十八名尚額存官
兵二百七十一名內守府一員把總一員現
在兵丁二百六十九名康熙十年額存官兵
二百六十八員名於康熙十三年內會題設
復官兵五百員名內城守守備一員復設千
總一員添設把總一員連舊設共二員通計

營官四員康熙十四年冬逆陷兵額散漫不定迨康熙十六年五月歸正奉文召復官兵五百員名康熙二十三年奉文更定營制歸併羅定協改為右營分防西寧城汛續又奉文裁汰實額存官兵二百六十八員名員與夫遊擊一員共編隊兵二十八名出防守衛

陳之都順治十年任

敖應春順治十八年任

城守守備

繳應善順天府人由二甲武進士除授都司僉

書康熙二年任調電白中軍陞山陝督前遊

擊

蘇雲福建人由將材康熙九年任

王明湖廣人康熙十七年任先奉原總督

金牌行更調到營續奉兵部頒給劄付

實授于康熙二十二年八月離營

解斯和湖廣通城縣人壬子鄉試第一名舉人

癸丑二甲武進士選授侍衛改推守備康熙

二十三年四月到任

王燿直隸保定左衛人由己酉武舉人康熙三

十八年任

李五湖廣武昌人由行伍康熙四十五年任

陳明廣東高要人由行伍康熙四十七年任

千總

羅祥授守備管千總事任故

沈標龍授千總奉裁故

羅勝爵西寧人江西籍康熙十二年由把總任

康熙十四年拔補千總康熙二十二年八月

離營

賴國瑜福建平和縣人康熙二十二年八月任

黃其頴福建龍溪人康熙二十二年十二月任

陳振福建晉江人康熙二十三年任

陳守玉浙江平陽人由行伍康熙三十七年任

李勝榮羅定人由行伍康熙三十九年任

吳奇歸善人由行伍康熙四十六年任

張明羅定人由行伍康熙五十二年任

把總

彭良南海人康熙二年任

劉漢龍西寧人康熙二年任

張最良西寧人康熙十六年五月任

羅文柱西寧人羅勝爵之子康熙二十二年任

彭昇廣州府南海縣人康熙十六年任康熙十

七年奉調隨征廣西平樂陣故

羅富西寧人康熙十七年任

柯勝羅定人康熙二十三年任

陳瑞高翁源人康熙二十三年任

黃元英福建人由行伍康熙三十五年任康熙

三十九年陞左營千總

陳顯德西寧人由行伍康熙三十七年任

吳奇康熙三十九年任康熙四十六年陞本營

千總康熙五十二年陞潮州鎮中營守備

張明康熙四十六年任康熙五十二年陞本營

千總

千餘

知府張鼎四十六年升張鼎五十二年調本營
千餘張鼎五十二年調本營

吳晉張鼎三十六年升張鼎四十六年調本營
調遷西寧人由百廿張鼎三十六年升

三十六年升

黃示英師其人由百廿張鼎三十六年升

劉謙高修其人由百廿張鼎三十六年升

月奉 總督金 牌委照舊管事於本年十

月離營

林雲龍江西吉安府吉水縣人康熙十六年十

月內奉牌委署到營康熙十七年四月更調

防守四會縣離營

程光履江南人康熙二十二年八月奉

總督吳八牌委到營於康熙二十三年四月

離營

現存官兵額

西寧縣志 卷之十
馬戰兵二十六名

步戰兵五十三名

守兵一百八十五名營外銀黑二十三卒四八
官四員

現在設兵防守營汛

一羅旁離城二十里隔大江與德慶地方爲界
水路上達廣西梧州下通東安肇慶往來船隻
要區屬在衝險舊設把總一員帶兵一百五十
名分布車頭蟠龍油塘口蚶蛇塘隴頂古備下

踏白木田舍大嶺野芋大瀝丹竹坑上疊下羅
望天崗木梗神壇各處汛守後奉抽撥現止在
汛二十名今設五十名

一逍遙離城六十餘里隔小河與東安汛地爲
界路通羅定德慶爲商民往來水陸要區舊設
有把總一員帶兵一百五十名分布機埗菴羅
藍青逕雙埗水瓜古蓬南渡頭黃坭永安變彝
嶺大榕下城崗安西梅花營慶西各處汛守續
奉抽撥止現兵八名今十五名

西寧縣志 卷之七
一 封門離城五十里路通羅定商民往來孔道
界達岑溪七山隘口猺獞出沒要隘明季蕩平
築建城垣衙宇
本朝舊設千總一員帶兵一百五十名分布雙
竇茅暹圓塘黃五口高嶺葵嶺雞暴六迪雲南
大傘筋竹分水雲霄白岐小封門車潞猪鼻各
處汛守後奉抽撥遺汛空虛城垣衙宇畧就傾
倒止現在汛及擺塘兵二十名今十三名
一夜護離城二百二十里與廣西岑溪地方爲

界接連七山六十三山猺獞出沒要隘明季蕩
平設立城垣公館營房演武亭等

本朝舊設把總一員帶兵一百五十名分布扶
合牛頭羅雲黃矛思慮桑園河又灣崗朝嶺小
崗各地汛守後城垣公館等并就傾倒止現在
汛兵六名今十七名

一 函口離城三百三十餘里南近信宜界西接
岑溪極爲衝險明季蕩平設立城垣衙門等
本朝舊設把總一員帶兵一百五十名分防安

西寧縣志 卷之七
二
鵝琶崗排埠馬鞍凹福船崗楓崗桐油逕倒溝
分水嶺石根乾崗藍山分水平民崗各處汛守
今奉抽撥遺汛空虛城垣衙宇傾塌畧盡止現
在函口馬鞍凹塘兵二名

一懷鄉離城五百二十餘里南接信宜枕連廣
西容縣岑溪爲界極險人情極爲獷悍舊立城
垣并設巡檢司一員後奉裁城垣并廢止現在
汛兵係羅協撥防

一分水中火平民崗三汛現在汛兵今止中火

二名

一白岐離城五十里與蒼梧縣七山隘口地方
爲界舊設防兵十名今無

一小崗離城一百一十里與岑溪七山隘口地
方爲界舊設防兵十名今止八名

一荔枝遙現在汛兵無

一雞暴離城八十里與岑溪七山隘口爲界舊
設防兵十名今二名

一腰古現在汛兵無

一扶合離城一百七十里與長山隘口地方爲界舊設防兵十名今無

一野羊離城三十餘里枕山面海對河與德慶地方爲界舊設有防兵二十名巡緝河道兼擺塘傳遞今九名

一南江口離城一百二十餘里隔河與德慶地方爲界右入羅定小河商民船隻往來要口舊設有防兵十三名今二名

一連灘離城八十里與東安羅定地方爲界現

一西寧縣城週圍三百八十三丈高一丈九尺闊一丈東西南三城門各建甕城一座高舖二十二間梁子八百四十七箇現在兵一百零四員名

一西寧縣狼長二名內外塞狼長一名管狼丁一百二十四名計居九崗寨十四都狼長一名管狼丁一百一十九名計居十九寨

十一 各信 十一 各寨
十二 各信 十一 各寨
十三 各信 十一 各寨
十四 各信 十一 各寨
十五 各信 十一 各寨
十六 各信 十一 各寨
十七 各信 十一 各寨
十八 各信 十一 各寨
十九 各信 十一 各寨
二十 各信 十一 各寨
二十一 各信 十一 各寨
二十二 各信 十一 各寨
二十三 各信 十一 各寨
二十四 各信 十一 各寨
二十五 各信 十一 各寨
二十六 各信 十一 各寨
二十七 各信 十一 各寨
二十八 各信 十一 各寨
二十九 各信 十一 各寨
三十 各信 十一 各寨

地方紀畧

秦始皇三十三年遣任囂趙佗討南越平之初

置南海郡時羅旁為南海屬郡

二世元年趙佗據南海郡舉兵絕道殺所置
長吏

漢高帝元年佗自立為南越王
十一年遣陸賈封佗為越王

高后五年春佗自稱南越武帝
文帝元年秋八月遣大中大夫陸賈說南越

王賜褚衣佗謝罪去帝號上書貢方物
武帝元鼎四年遣諫大夫中軍使南越說其
王欲令入朝比內諸侯
五年遣伏波將軍路博德樓船將軍楊僕等
討南粵冬十月滅之

唐武德七年夏瀧州扶州獠作亂遣南尹州都
督李光度等擊平之

開寶六年春正月瀧等州獠反命宦官楊思
最討之

宋皇祐四年夏五月廣源蠻儂志高亂知州趙
思旦與賊戰于醮門力屈死之

元至元十八年冬十一月德慶瀧水各山獠作
亂

明洪武元年冬李質慕義來歸舉德慶瀧水等
州奉稟朝朔時以質為奉訓大夫中書省斷
事

二十二年各山獠復叛命總兵率指揮守備
等討之時猺賊劉第三等聚眾擄掠具聞奉

旨進討壯士奮激焚山破穴斬首數百級餘
黨悉平
三十二年西山徭人盤窮觴等復作亂命指
揮王濬等討平之
永樂五年徭首盤永用等向化奉貢以瀧民陳
朶朶陳大奴等招之也後令回山復招計共
七百有奇

六年石城縣吏馮原泰奉勅招諭山徭趙第
二等向化朝貢楠漆等物

正統十一年瀧水諸徭煽亂自是民田多為所
據招撫判官馮述與戰死之
十三年徭賊趙音旺等復糾合晉康逍遙山
鳳廣山倡亂陷城大恣焚掠

景泰四年都御史馬昂調兩廣官軍狼兵分為
二道直抵賊巢斬首二千餘級數歲稍戢
天順元年廣山使其子鳳弟吉偽稱鳳二將軍
招集各山徭賊劫掠鄉村攻破城邑殺指揮
陳廣聚燒燬房屋搶掠牛羊不可勝紀巡撫

都御史葉盛調廣西大軍立營連灘督行都
指揮胡英由魚子水韓瑄由岑溪思慮新樂
徐昇由雞骨嶺韋俊由羅旁水口各斬菁通
道並進夾攻生擒鳳弟吉等八十人斬殍三
百四十五名以弟吉等十五名獻殍京師地
方始安

三年餘黨復熾

成化二年都御史韓雍命同知黃浩再從招撫
弘治四年瀧水紅荳諸山賊亂都御史秦統討

平之招其餘黨

正德元年徭寇都城殺死千戶林熙高謙巡檢
牟智等十四年都城撞賊首鄭公厚封門歸
仁鄉徭賊首蒙公高聚衆劫掠殺擄男婦三
千餘人

嘉靖元年軍門命官兵討賊平之

四年襲殺指揮李松州判陳琚於墟市殘毒
居民占糧田二千餘頃村落爲空
十二年都御史陶公諸命將討徭多從招宥

西寧縣志 卷之七
二十二年秋知州吳汝新奉軍門明文設策
斬羅旁賊四十餘級生擒賊首鄧芋爛等三
名械送
萬曆四年以比年猺蠻猖獗彌甚戕毒將領大
爲民害督撫殷公正茂疏請旨下凌公雲翼
繼之大調廣西目兵及廣東各營土浙兵十
萬有奇統以司道總兵叅遊等官分爲十哨
以丙子仲冬入山越明年丁丑四月班師計
斬首及俘獲男婦四萬餘人遂立爲縣招民

承業漏刃猶存狼心未釋

五年都門雲蕩賊首李宗貴沈文遠作亂把
總劉元威親破之斬首十六顆

七年蚊子山賊首陸毛自稱身有龍毛能飛
能渡諸山猺獞信之翕然歸附聚衆千餘人
攻劫思慮營殺死哨官丁天祿等乘勝陷大
傘營哨官張文明死之又攻打燈心營放火
燬公館進逼封門所城被官兵擒斬十八級
毛漏刃潛遁

八年糾眾劫思慮一帶地方殺散耕民

十二年糾眾二千餘復攻思慮營殺傷官兵

二十三名燒燬營房十三處

十五年糾眾打劫函口大聖寨等處殺居民

十八命又攻思慮營被官兵擒斬九十六名

毛懼告招約把總陸芳隔河為盟自是地方

獲寧不復議剿

十六年雞暴賊首盤本善趙宗連作亂把總

劉元威計擒之

十八年毛又構通西酋潘積善越入東界捉

擄撫民占奪牛田議奉軍門劉公繼文宣諭

陸毛赴官投招姑准免死毛又抗令要取職

官為質叅將侯國弼面授把總陳邦武哨官

郭鸞吳必奇以計擒之械送梟首以徇自是

四境安寧汛防加密間有竊發無能為矣

皇清順治四年七月十三日西寇莫黎成烏合

亾命及各山蠻苗圍城署遊擊商之盤率兵

即日敗之斬獲不計

四年七月二十三日西寇杜姓糾聚各獠蠻
及四方亡命二萬餘直抵教場分遣往劄攻
城方搭蓋造飯值大雨後潦漲遊擊商之盤
出兵卽日衝走斬獲淹死并各路追殺屍橫
水陸約有萬餘
十年西寇宋國相聚徒犯城四面攻打紛掠
鄉村計二十九日內外居民苦不可言時署
縣龔銑署遊擊李含英以衆寡不敵請梧州
馬總鎮兵却之客兵在境玉石不分又大掠

三日俘斬鄉民男婦約五六千自此邑轉凋
弊矣

十一年賊首宋國相張益等結連蠻苗亡命
再來犯城時知縣王承時遊擊陳之都以隣
警鼎沸不利戰守退出大江空城任據恣被
劫殺徧擄克餉四鄉風鶴靡有孑遺蹂躪十
越月兵到賊退而比屋灌莽田業污萊成極
弊矣

十七年知縣李翼鵬傷心殘破多方招徠旣

歸無棲者助其結構既棲難耕者給以種牛
於是望風鴻集荒蕪漸開 又下五圖懷鄉
白石等處土官雄據弄兵交橫聲教不通數
年莫治知縣李翼鵬撫循之猶有一二負固
倡亂者高州粟總鎮削平之自此四境就治
糧務得免偏累而猺寇亦少破膽矣

康熙十四年乙卯仲冬高州祖總鎮先通偽逆
馬總鎮由高凉遣撥偽兵將抵羅陽尚未至
遂有連灘土寇謝天祐等遙藉其軍聲復假

粵西撫蠻將軍偽逆孫延齡牌劄招集烏合
無賴二千餘衆於十二月初四日由連灘內
塞突犯西寧時戍守寥寥兵力衆寡難支各
棄城而竄任其入踞男婦人民早已望風潛
避並無傷害迨十六日馬偽鎮遣羅定偽中
軍都司吳錫綬同祖偽鎮標員田謝二都司
統兵駐縣南演武場密擒謝天祐解赴羅定
梟斬傳首到縣懸示東門計謝逆陷城止十
三日而調撥偽李都司等帶領偽兵數千在

西寧縣志 卷之七
縣駐防縱兵大掠深山窮谷無不遭其蹂躪
及僞郭將軍委知縣吳灼城守洪日輝到縣
安撫招復人民入城居住其防兵之肆掠如
故賴知縣吳灼雖係僞委之員頗能存心保
民力請於將領再三言之復單騎親往慷慨
指陳又有僞叅將吳紫卿亦奉令安撫悍兵
始戢苛政漸除民稍就寧宇焉至十六年五
月聞廣肇廢藩與總督俱薙髮歸正本邑文
武亦望風歸順踰兩月奉委知縣班一戎城

守林雲龍更易各官而城郭人民再定矣

論曰天下雖安忘戰必危則兵防亟矣顧
兵以防爲職而防重防以兵爲依而兵亦
重吾惑乎寧兵之一撤再撤也寧固巖疆
也舊制防兵一千員名今一撤而四百四
十員名矣再撤而二百六十八員名矣以
舊設之若是其多也寧固非不需兵而防
者也譬彼凍人之衣重裘一燠而去一不
用再燠而去一不用今則易裘而葛矣夫

易裘而葛可也并其裘而棄之卒遇大寒
不幾僵且仆乎雖然旣去矣可若何兵法
不有以少爲多者乎是在城守不有以無
爲有者乎是在長吏互勵而交修焉尹鐸
之治晉陽也保障哉

猺獞狼考附

猺人一種惟盤姓八十餘戶爲真猺皆盤瓠之
裔別姓亦八十餘戶大都皆性悍鳥言今亦有
漸習華言者舊傳有板猺一種戴板于首采山
爲生無板者曰民猺今居西寧境內者率民猺
板猺則無獞與猺異種猺則裹首以巾獞則無
之布帛束額而已廣西半獞寧邑地界廣西故
境內多獞狼又猺獞之外別是一種受塵耕種
與齊民無異且性最恭順往昔開闢羅芴實借

其力今亦籍隸狼兵守城守衙效順居多然狼
種二種皆不事詩書好爲覘巫習尚粗鄙鮮知
禮義舊有指揮劉元威曾請建社學於葵嶺勸
各就學每考請分種狼童一案懇學道恕取以
寓鼓勸後亦有一二進庠者徭則僻居深山不
伍鄉俗不諳文字不服征徭不火而食男女布
服扣絨爲花性尤頑獷喜鬪好殺善射藥弩并
生息蕃盛過於狼種時出劫掠最懼患痘有出
而染痘者不得復入嘉客有過者殺牛爲享始

用火炙就席則出其婦或姊若妹多是麗色者
皆令侑酒婦等嚼酒飲客又嚼牛肉唾以啖客
則謂之敬客如不飲不食逢其怒矣又其婦雖
狎不得而亂也或涉黝戲必且召禍此蠻先經
倡亂盤踞後奉征平仍復散居七山六十三山
上下西山等處依山爲窟時出爲患寇垣牆竊
牛馬往往而有罹法亦伏其辜然其地接連廣
右山崗窮深易相勾引非方畧禁之恐未易息
肩也

論曰世傳盤瓠氏爲狗種妻高辛氏之女
生男女各六轉相配偶實繁育猺種不知
帝女下偶非類此理之所必無而世多言
之卽其種亦以自疑嗚呼古今匪遠今豈
有人而匹異類者乎此不唯誣盤瓠并誣
高辛矣度盤瓠不過帝高辛之不才子壻
屏居南荒漸遠聲教後遂身腥穢而口侏
魯人僑耳今旣世窟山崗距人稍近若被以禮
樂誘以詩書猺人亦吾人也豈與夫教馬
以舞被猴以冠者同日語哉獐與狼斯已
漸被王風又可不具論已

以獲... 其... 治... 行... 志... 卷... 之... 八

西寧縣志卷之八

治行志

寧自立縣來迄今百年蒞政凡若而人可
傳者纔得十八治行之難也如其間之
革路籃縷以開疆土者三人噢咻响嚅以
撫遺黎者七人益以學博三人表而葺之
如左士大夫背鄉井離墳墓萬里舟車來
縮墨綬豈徒為區區微名與夫沾沾升斗
哉亦將以其所學少見之行事也顧或行

而合或行而不合民實有口無容私焉今之所書從民望也然則子婦之月旦難于當路之官評矣編治行志第八

劉元相者廣西全州人舉孝廉爲高涼貳夙著才識萬曆丙子羅旁始平督撫凌公議建封門函口南鄉富林四所以翼新邑而難其建置之人諸道首舉公凌公曰得之矣公被命馳往不踰月版築皆具時新闢箐林瘴霧毒烈函口尤爲最惡叅將楊照劄守其中以病卒兵士亦疫

死過半咸稱爲觸體淵藪代楊者黃允中也談虎色變建議請遷元相力爭曰函口西接大崗南引高涼爲殘徭交道無函口是無西山也人臣爲國當事奚身爲叅帥不肯居某願居之黃議遂沮兩臺重嘉之請加四品服又請補爲南韶道不報元相亦以積勞病乞歸及間而卒張應鳳撫州臨川人亦以孝廉守德慶以廉能稱未期年委城封門維時雨恒若公度原既定豫誅茅作屋其上民無沐雨而工日就緒故受

命雖後告成獨先凌公叙議加四品服蓋憫其
勞而嘉其速也百爾工費皆有籍掌所裁省尤
多役其綜理微密如此事竣還州未五日而病
作旅櫬北旋行李蕭然列名宦祠崇祀

朱寬廣西桂林人先知三水縣兩臺廉其有治
劇才疏調西寧新邑凡築城度地分田制里斬
荆棘驅狐狸皆其身所經歷且政寬和撫招新
附可謂創始元功矣屢登薦剡擢地官主政未
去任以瘴疾道卒妻哭隕絕一子甫九歲扶櫬

還未幾亦卒傷哉二人同時勤事軼掌捐軀詢
及西民無不扼腕稱歎萬曆十三年具其事白
兩臺祀西寧名宦

林致禮上思州舉人萬曆十四年任時城池草
割百務未舉公毅然以爲已任是年潦水浸城
傾圮一百九十餘丈公綜理修復視前加固開
西山羅笏夜護城鎮安寨各處大路芟林莽成
周行改封門所就近以便接應鑿山通圳遶郭
東西延環數十里緣畝導流灌田數百餘頃其

餘政蹟尚多皆弘鉅不朽者列載志中
蘇致卿號養虛石埭人由選貢萬曆三十五年
任留心民瘼嘉惠作人創建城隍廟設養濟院
憫洪潦傷民居疏通水路捐俸一年倡義砌文
昌橋復置田以備後葺士民戴德建祠焉
謝天申號元菴湖廣蘄水縣舉人崇禎七年任
殫心吏治政美人和見寧邑庠士寥寥奮志興
學以其俸入創爲典學書院歲時集邑中人士
講學課藝自是咸興起於學彬彬文雅科第相

望不終於樵朴固陋之俗者於公有賴焉
曹鍾浩號持源江南金壇人由進士順治十三
年任慈愛廉明催科寓撫字尤喜育士課藝較
文寒暑不輟恂恂與人毫無矜貴之色邑有崩
陷荒蕪報上奏豁捐俸壹百兩採石修復下城
橋人無病涉之苦至今謳之

李翼鵬號翥九燕南人由舉人會試乙榜順治
十六年任時值恢復未久舊圖之荒殘新圖懷
鄉之頑梗徵糧維艱公多方開諭勞來招集梗

西寧縣志 卷之八
四
者以化散者以復無不畏威懷德輸將恐後且捐俸置田以給貧士勸開墾闢榛蕪建公館修學校數大事尤有造於寧邑者
趙震陽號鶴洲浙東之上虞人也嶺南東莞王園長先生視學兩浙拔公爲首聲譽籍甚一時浙中人士俱出其門由拔貢蒞任西寧甫下車卽以興學化民爲務凡遇生童進謁必諄諄教誨咸能預決其生平性慈祥其爲政尚寬厚與里民相接藹如家人父子置田入儒學以資寒

士膏火嘗語諸生曰舊圖近河一帶仰取水利近山土薄而水淤稅窄而額重皆由德慶割入陵谷變遷逃亡流移之不齊難以清核曾親撰一記書於退思堂極言舊圖情弊甚悉其留心民瘼如此後丁艱去任昔人云所居無赫赫名去後嘗見思者公實有焉後補任閩中值耿逆之亂從容就義粵閩浙士至今稱道不絕云
王鉞號任菴山左之諸城人也順治戊戌會試中式己亥成進士初授郡司李奉裁改縣令於

康熙己酉蒞瀧西居官持平保民如子峻絕請
託人不敢干以私寓撫字於催科殫實心於實
政性慈愛才敏練案無積牘而官有餘閒每自
公退食憑閣著書或討論經籍或怡情吟咏終
日無少倦尤喜造就人士課藝育才嘗念此地
文風不振乃從形家言創陰橋以鎖文昌江流
士悅民懷口碑載道秩滿時方伯廉使監司州
牧諸公謂其德行文藝兼優政治興教並舉共
上其績于制府中丞兩臺會薦已奉

命行取竟不赴清風高節允足多也長子沛思
丁巳冠三省鄉榜己未捷南宮讀中祕書進編
修仲子某食餼於庠三子沛愼復舉於鄉歷官
現任廣西布政使司俱家聲克嗣云
冉德號慎菴四川廣元人丙午舉於鄉初授直
隸三河令再授江南溧陽令起復補西寧令西
寧自僞逆蹂躪以來土地荒蕪城郭傾倒哀哀
窮黎如嬰兒久失父母肌黃骨立命懸一綫公
康熙三十一年視事在任九載仁厚居心寬和

育物休養生息無不備至迄今比戶盈寧元氣
克復者皆公賜也丁丑歲饑流亡載道公沿募
巨室力求協助罄俸告糴源源分賑自春徂夏
不遺餘力存活甚衆旋鑿凶荒之慘建設義倉
捐貲積粟俟長孫平之法以備水旱其貽愛寧
人者利亦溥矣哉時羅定州牧金某者貪蹇無
度常勒公以餽獻稍不應輒以事難之公曰吾
不忍腹民脂以事上遂引疾去出郭之日行李
蕭然士民醜歛贈金哭聲相接如失怙恃去一

載乃立碑於城東郊外爲亭以覆之顏其額曰
峴山餘慕常瞻望垂涕旣而聞公捐館復建祠
於義倉之後歲舉春秋二祀所著有樹滋堂政
畧吉人遺鐸諸書行稿

史筆字董侶貴州貴定人登庚午乙榜由京衛
教授陞西寧令康熙四十六年任操守廉潔才
思精敏案無停牘獄鮮冤民摘發之神往往出
人意表雖隨手判決而百無一失人皆有小龍
圖之稱至于治盜不事兵刑不露聲色舉積案

沉捕巨魁談笑之間悉繫庭下羣盜聞風畏遁
閭閻護安嘗朔望詣學以諸生入歷鎖闥不與
鄉薦爲念乃採形家之說於明倫堂後捐俸建
尊經巨閣爲文廟屏護又於童子試詳除附籍
名色其加意作人如此期年之內文昌橋東關
義學羅旁公館諸處次第修復惜視事未及二
載竟以疾卒於官士民思之至今猶有餘憾因
設位附祠以祀之

王澤博號卓菴直隸寶坻人由選貢初授祕書

中翰外陞端州司馬康熙四十八年委攝邑篆
敷政寬平居心廉介每臨一事必隱關民瘼且
務計久遠絕不以代庖自諉寧邑素苦盜公採
酌情形握其勝算獲巨盜數人斃於市奸宄震
懼乃傳集諸鄉保練授以堵禦之法使實力奉
行苟有悞必重坐諭訖披以彩繒用鼓吹儀仗
導引而出以示鼓勵諸保練由此感奮悉心弭
緝而盜風遂衰尤難者視事期月大小陋規革
除殆盡輕徭薄歛息事寧人去之日白叟黃童

西寧縣志 卷之八 治行
依戀不舍立碑於孔道之旁以誌去思此固關
縣以來權官之僅見者也特爲之傳以爲將來
署縣者勸

高趨號養浩江右峽江人也父卜山公以孝行
著部使者奏于朝表其門先生讀父書領鄉薦
掌西寧教貌古行方德醇學裕允爲儒林矜式
勤課士之條申佻達之禁捐俸薪以飭衙宇郤
費節而惠貧生任兩載子孝廉錫慶來省爲先
生引年之計先生慨然拂衣諸生挽留不得立

去思碑叅議盧雲龍撰文

梁培泰號際明南海人天啓甲子舉人學富才
宏毛詩獨步設帳仙城名士咸出其門掌西寧
教童生負笈從之者衆其型範至今猶令人仰
思不忘有四書詩解刻本行世

譚圓策號朋髯新會人賦性醇樸學問弘深由
鄉舉擬冠南宮掌西寧教念學宮毀壞同知縣
李翼鵬改建啓聖祠于殿左修葺兩廡兩門多
先生之力也以母八旬致仕歸諸生攀留莫及

焉弟君祐子勲皆舉人

金璨字元度浙江山陰人辛卯舉於鄉初授順德縣教諭以憂去任甞寓羊城服既闋貧不能治裝入選時有起復官員無力赴部許就藩王告降委署題實之例遂補西寧訓導值鼎定之初宮牆學舍內外殘塌且未有兩齋之設公獨任其事百法勸募修葺完固月進諸生論作文先言器識詳定敦行去僞十二條爲課士規程邑令重公才品諮以治道恒多所裨益視事未及二載以疾卒於官士類惜之未幾滇藩倡亂子光綬幼孤不能返里尋立籍西寧與孫林並爲邑庠生

論日記有之七世之廟可以觀德萬家之邑可以觀政寧固山城自創興以來割附招徠不下萬家矣此亦政教覃敷之奧區也顧古今時移勢殊其因時制宜者已代不乏人矣葺而列之誌其賢不誌其不肖從厚也居其邦不非其大夫之雅也雖然

譽在此則毀在彼其亦不論不議之微權
乎後之覽者可以鑒矣噫名與否猶其後
焉者也鄙語曰讚頌福生感歎禍生爲祝
爲詈恐亦一身慶殃之所由也可不慎之
哉

何以勝如寧固山然自隆興以來唐州

三單主

光德四年八月五日

二單主